

Alia pars :

In omnibus rebus, gradibus et qualitate personarum est quidam debitus et laudabilis modus et mensura unicuique rei congrua et conveniens, quæ quanto exactius et diligentius servatur, tanto magis ab omnibus commendatur ; propterea vadit pars : quod, ut quædam mala introducta consuetudo tollatur penitus e medio, non possit aliquis nobilis noster, electus ad aliquod regimen et officium, seu beneficium, adire domum serenissimi principis, ad agendum ei gratias, nec immediate post electionem factam, nec quando accedet ad regimen, nec quando ab eo revertetur, sive quando ingreditur magistratum vel regreditur, sub pœna ducatorum 500 cuilibet contrafacienti et accedenti ad tale officium faciendum ; et eandem pœnam cadant ille vel illi qui eum comitarentur. Præterea non possit aliquis mittere sponsam aliquam ad visitationem serenissimi principis, nisi sponsus aut sponsa sint ei tali affinitate coniuncti, quæ expellat eum a capello, sub eadem pœna. Cuius pœnæ, tertium sit accusatoris, qui teneatur de credentia, tertium advocatorum communis, quibus commissa sit ipsa executio, et aliud tertium sit nostri arsenatus. Demum, ad removendum omnem murmurationem et invidiam, captum sit, quod serenissimus princeps noster non permittat sibi deobsculari manum ab aliquo, nec quod aliquis stet cum genibus in terra ante suam serenitatem. De parte 1190, no 58, non sinceri 5.

Alias pars :

Per capitula 65 et 194 promissionis serenissimi principis, loquentia de bulatore, decretum equidem sapientissime fuit, quod ipsi bulatores eligerentur per ipsum serenissimum principem, consiliarios et capita de quadraginta, ad busulos et balotas, ex illis nostris civibus originariis nescientibus legere et scribere, qui in notatorio scripti essent etc. ut in illis. Et quoniam tale capitulum observatum non fuit, captum sit et addatur, quod in futurum, subito cum officium bulatoris vacaverit, electio illius fieri de prædictis debeat, ad busolos et balotas, inter serenissimum principem, consiliarios et capita de quadraginta et totum collegium, intervenientibus etiam capitibus consilii nostri X, quibus una cum Dominio commissa est tota cancellaria ; et servari debeat lex de precibus sub pœna duci contrafacienti ducatorum 500 auri, auferendorum per advocatores communis

et per capita consilii X in bonis serenitatis suæ viventis ; et, si non exigantur in vita, exigantur omnino post mortem, et tamen omnis electio facta contra præsens decretum sit nulla, et per advocatores communis cancelletur, et fiat nova electio bullatoris, per modum superius expressum. Massarius vero cancellariæ nostræ, qui similiter eligi debet per Dominium nostrum, poni debeat per Dominium iuxta formam electionis suæ sub pœna suprascripta, et si aliter fieret in posterum non valeat, nec teneat, et per Dominium alius ponatur loco illius.

Et a l'incontro sier Hironimo cha' da Pexaro e sier Marco Antonio Morexini, el cavalier, consieri, volunt partem suprascriptam cum hac additione, quod committatur tribus eligendis post prandium, quod inquirere diligenter debant, an bullator et massarius præsentis electi fuerint contra formam promissionis suæ, et in tali casu illico remove eos debeant et privare officiis ipsis in executionem ordinum nostrorum. De parte 1134, de no 2, non sinceri 3.

*Die 27 septembris post prandium.*

Vetitum est posse scribi litteras per serenissimum principem in multis casibus specificatis et in curiam in commendationem alicuius et ad alia loca, introductum autem est, quod id, quod fieri non potest per litteras plumbatas, sit, indirecto, per litteras particulares, scriptas ab aliquo familiari serenissimi principis. Cui inconvenienti, cum sit opportune providendum, vadit pars, quod, si serenissimus princeps scripserit aut scribi fecerit, per litteras privatas, tam suas, quam alicuius alterius personæ, id quod per decreta et ordines nostros prohibitum est 57 scribi per serenitatem suam, in tali casu serenitas sua teneatur ad pœnam ducatorum 200, pro qualibet vice, exigendorum per advocatores communis in vita sua, et per tres sapientes eligendos post mortem, sicut in aliis partibus hodie captis continetur. Præterea ille talis, qui tales litteras scriberet, cadat ad eandem pœnam, ut supra exigendam, et ulterius sit banitus de Venetiis per quinquennium. Insuper captum, additum et provisum sit, quod serenissimus princeps non possit aperire aliquas litteras sibi directas, sine interventu saltem unius consilarii aut duorum ex sapientibus collegii, salvo remanentibus omnibus aliis ordinibus super hoc captis. De parte 1213, de no 56, non sinceri 7.